

- \*1. صدر جمہوریہ درویدی مرمو غو کہنو ہے جسے توانائی غو تحفظ بن چھڑا اختیاری ہی نہیں بلکہ موجودہ وقت غی لوڑ بن گیو ہے ۔
- \*2. فوج نے جموں خطہ غا کنٹرولانن غا اچا پہاڑی علاقان مانہ کہٹ برفباری ہون غے بشکار بنہ ور نظر رکھن غی خاطر اپنی گشت مانہ بابدو کر دتو ہے ۔
- \*3. جموں کشمیر پولیس نے قوم مخالف سرگرمیاں غی پاداش مانہ 40 افراد غے خلاف فرد جرم عاند کیو ہے ۔
- \*4. شری ماتا ویشنو دیوی شرانن بورڈ نے ویشنو دیوی بھون ور بایا گیا سادھا ککش نانہ عقیدت مندان واسطے وقف کر دتو ہے ۔
- \*5. اچا پہاڑی علاقان مانہ تازہ برفباری تے میدای علاقان مانہ موسم ابر آلود ربن غی وجہ نال رات غا درجہ حرارت مانہ بہتری آئی ہے ۔

\*\*\*\*\*

خبران غی تفصیل نال پہلان باغ علی طاہر۔

### Prez Energy Conservation

آج توانائی غا تحفظ بارے قومی دن منایو جا رہیو ہے۔ یوہ دن ہر سال توانائی غا تحفظ غی اہمیت اچاگر کرن تے اس غا موثر استعمال بارے قوم غی حصولیابی غا سلسلہ مانہ لوکان نانہ جانکا ر بنان غا مقصد سنگ منایو جائے۔ اس موقع ور صدر جمہوریہ درویدی مرمو نے توانائی تحفظ تے توانائی تحفظ ور مبنی مصوری غا مقابلان مانہ قومی ایوارڈ سال 2025 جتن آلا افراد نانہ نوازیو گیو۔ نوی دہلی مانہ منعقد اس تقریب سنگ خطاب کرتاں واں صدر جمہوریہ نے کہیو جسے توانائی غو تحفظ بن چھڑو اختیاری معاملو ہی نہیں بلکہ موجودہ وقت غی لوڑ بن گیو ہے۔ اُن غو کہو تھو جسے توانائی غو ہر یونٹ نانہ بچانو قدرت غے تئیں اک ذمہ داری غو احساس ہے تے اس نال آئندہ نسلان واسطے احساس غو اظہار وے۔ اس بارے گل کرتاں واں صدر جمہوریہ نے کہیو۔ بانٹ۔

-----

### Army Patrol

فوج نے جموں خطہ غا اچا برفانی علاقان مانہ کنٹرول لائن ور گشت تیز کر دتی ہے، تانجے ان علاقان تیں ممکنہ در اندازی نانہ روکیو جا سکے۔ حالانکہ آجوں ان علاقان مانہ برفباری نہیں ہوئی ہے ور فر وی فوج نے کنٹرول لائن غا اچا پہاڑی علاقان تے جنگلات وغیرہ مانہ اپنی موجودگی نانہ مضبوط بنایو ہے۔ آکاشوانی جموں غا مہارا نمائندہ نے جانکاری دیتاں واں دسیو ہے جسے فوج نے خاص کر اچا پہاڑاں تیں گزرن آلا رستاں تے جنگلاتی علاقان مانہ جھپڑا اکثر برفباری غے بعد ناقابل رسائی ہو جائیں ور اپنی موجودگی مانہ بابدو کر دتو ہے تے فوج غا سیال غا حفاظتی منصوبہ غو حصو ہے۔ واضع رہے جسے سیال غا موسم مانہ تند تے سول لوکان غی نقل و حرکت مانہ کمی آجان غی وجہ نال یہ علاقہ دہشت گردان واسطے

دراندازی غی خاطر موافق ماحول پیدہ کر دیں، تے اس موسم غے دوران برفباری مانہ کمی غو وی دہشت گرداں غی طرفوں فاندو چاتاں واں دراندازی غو آندیشو بدھ گیو ہے ۔

-----

### Chargesheet Anti Nationals

وادی کشمیر مانہ قوم مخالف مبینہ سرگرمیاں غی پاداش مانہ 40 افراد غے خلاف فرد جرم عائد کی گئی ہے۔ سرکاری ذریعے نے پولیس غا اک ترجمان غا حوالہ سنگ دسیو ہے جے پولیس نے اس سال غے دوران ان افراد غے خلاف درج کیا گیا معاملہ غا چالان پیش کر دتا ہے۔ یہ معاملہ ای آئی ایم سی او غے تحت 40 افراد غے خلاف درج کیا گیا تھا۔ جن مانہ غیر قانونی طور ور پاکستان جاغے ہتھیاراں غی تربیت حاصل کرن جیسا معاملات شامل ہیں۔ ان معاملات غی تحقیقات غے بعد چالان مجاز عدالت غے باندے پیش کیا گیا ہے۔

-----

### Winter Vacation

ڈائریکٹر اسکول ایجوکیشن جموں نے جمونڈویزن غا گرمائی زون مانہ آن آلا اسکولان مانہ سردیاں غی چھٹیاں غو اعلان کر دتو ہے۔ حکم نامہ غے مطابق پری پرائمری تیں پنجویں جماعت تک غا طالب علماں نانہ 22 دسمبر 2025 تیں 10 جنوری 2026 چھو یں تیں اٹھویں جماعت تک غا طالب علماں نانہ 26 دسمبر 2025 تیں 10 جنوری 2026 جد کہ نویں تیں 12 ویں جماعت غا طالب علماں نانہ 29 دسمبر 2025 تیں 10 جنوری 2026 تک چھٹیاں رہیں گی۔ حکم نامہ مانہ تدریسی عملہ نانہ ہدایت جاری کی گئی ہے جے وے مذکورہ چھٹیاں غے دوران ضرورت پین ور تعلیمی سرگرمیاں واسطے دستیاب رہیں۔

-----

### UMEED Scheme

کٹھوعہ ضلع مانہ کال سری امید اسکیم غے تحت روزگار تے کاروبار شروع کر رہی ہیں۔ پلی گراں غو 100 کالسریاں ور مبنی اک خود امدادی گروپ اچار بنان تے سبزیاں غی ڈبہ بندی وغیرہ غو کم بڑا پیمانہ ور انجام دے رہیو ہے، جس نال خواتین روزگار مالی آزادی مانہ مضبوط ہو رہی ہیں۔ واضع رہ جے جموں کشمیر مانہ امید اسکیم روزگار حاصل کران غو گرائیاں مانہ اک بڑو ذریعو ہے جس نال غریب کالسریں خود امدادی گروپاں غے ذریعے کود کفیل ہر پیدہ کرن تے روپیہ پیسہ توڑی رسائی حاصل کرن مانہ باختیار ہو رہی ہیں۔ اس بارے اپنا تجربات غو اظہار کرتاں واں کجھ خواتین نے اپنا تاثرات اس راہ ظاہر کیا۔

-----

مزید خبراں نال عبدالمجید ور اس تیں پہلاں یوہ پیغام۔ (یہ خبر تم آکاشوانی جموں تیں سن رہیا ہیں، تے یہ خبر مہاری ویب سائٹ نیوز آن آنیر ڈاٹ گوو ڈاٹ ان ور وی دستیاب ہیں، اس تیں یہ (خبر مہاری مو بائل ایپ تے ڈی ٹی ایچ ور وی دستیاب ہیں

### SMVD Sadhna Kaksh

عقیدت منداں مانہ گہری عقیدت پیدہ کرن تے روحای ماحول بور بہتر بنان غا مقصد سنگ کیا گیا اک اقدام مانہ شری ماتا ویشنو دیوی شران بورڈ نے اک سادھنا ککش یعنی مراقبہ حال قائم کر غے وید منتراں غو جاپ کرتاں واں عقیدت منداں نانہ وقف کیو ہے۔ آکاشوانی جموں غا نمائندہ نے جانکاری دیتاں واں دسیو ہے جے یوہ ککش رام مندر غا نچلا تہ خانہ مانہ موجود ہے، جہیزو بھون ور گفہ غا باہر نکلن غا رستہ سنگ موجود ہے۔ سادھنا ککش نانہ سادہ تے

عقیدت مندی غا احترام نانہہ باندے رکھ غے تعمیر کیوگیو ہے۔ یوہ حال 1 ہزار 5 سو مربعہ فٹ ور مُحیط ہے تے اِس مانہہ اِک وقت مانہہ 1 سو 60 تیں 170 توڑی عقیدت مند بس سکیں۔

-----

### Ramsar Sites

بھارت نے دو بور مقامات نانہہ رامسر مقامات غا طور ور شامل کر لیو ہے۔ اِس راہ سال 2014 مانہہ ایسا 26 مقامات تیں بدھ غے ہُن کُل 96 رامسر مقامات بو گیا ہیں، ملی سر جھیل راجھستان تے چھتیس گڑھ غا پلاس پور غے نیڑے کویرا جَل اُسے نانہہ رام سر کنونشن غے تحت نامزد کیو گیو ہے۔ اِس اِضافہ سنگ دلدلی علاقہ غا تحفظ، زندگیاں غی بکھ بکھ قسماں غو تحفظ، ماحولیاتی حفاظت تے ذریعہ معاش نانہہ اُمرت دھا روپر اِقدام غے تحت بور مضبوطی ملے گی۔ تے اِس راہ ایسا مقامات غی تعداد سو توڑی پُجان غا ہدف غے نیڑے پُجیو جا سکیو ہے۔

-----

### Book Release

ڈوگری سنستہا جموں نے اِج ڈوگری بھون کرن نگر جموں مانہہ اِک عظیم ادبی تقریب غو انعقاد کیو۔ اِس تقریب مانہہ نامور ادیب تے شاعرہ کرشا پریم غی تصنیف کی وی 3 اہم کتابا غو اجرائی کیو گیو۔ جن کتاباں غو اجرائی کیو گیو اِن مانہہ کوشش کرنے آلیں دی کدے بار نہیں ہندی (بچا واسطے ڈوگری کہانیاں غی کتاب)، کنگلی ڈواری (بچاں واسطے ڈوگری نظم) اِندر دہنش شامل تھیں۔ اِس تقریب مانہہ اشوک انگورانا مہمان خصوصی تھا تے پدمہ شرہ ڈاکٹر جتندر اِپدھم پور اِت مہمان ذی وقار تھا۔ جد کہ ڈوگری سنستہا جموں غا صدر پروفیسر ر لنت مگوترا نے اِس تقریب غی صدارت کی۔ اِس موقعہ ور مصنفہ کرشنا پریم نے بچاں واسطے کُجھ نظم وی پڑھیں۔۔۔ بانٹ۔۔۔

-----

### JKRLM Ramban

جموں کشمیر رورل لائولی ہڈ مشن جے کے آر ایل ایم غے تحت لئ دد استری شکتی اسکیم غو ضلع رام بن غا لوکاں نانہہ بہت زیادہ فائدو پُج رہیو ہے۔ اِس اسکیم غے تحت اپنی مدد آپ گروپاں غی ممبر کالسریاں نانہہ کاروبار کرن واسطے مالی امداد مہیا کرائی جا وے۔ اِس اسکیم غو فائدو حاصل کرن واسطے درخواست دہندہ غو کالسریاں غا اپنی مدد آگ گروپ غو ممبر ہونو لازمی ہے، تے اہل ممبر 50 ہزار روپیاں تیں لے غے 2 لکھ روپیاں تک غو قرضو حاصل کر سکیں۔ یاہ رقم حاصل کر غے خواتین اپنو نوو لوہکو کاروبار شروع کر سکیں جس مانہہ سلائی، دستکاری، بوٹیک، ذراعت غے متعلق کاروبار تے ڈبا بند چیز وغیرہ شامل ہیں۔ اِس با رے مزید جانکاری دے رہیا ہیں کلستر کوآرڈینیٹر بٹوت این آر ایل ایم اِجے شرما۔ بانٹ۔

-----

### Weather

جموں کشمیر غا اوچا علاقہ مانہہ تازہ برفباری ہوئی تے میدای علاقہ مانہہ بدل چھایا رہیا۔ اِس نال باریں رات غا درجہ حرارت مانہہ معمولی بہتری آئی ہے۔ ور کئی علاقہ مانہہ سردی غی صورتحال پہلاں غی طرح برقرار ہے۔ زوجیلا پاس، مینا مرگ، بالتال تے تولیل وادی سمیت اوچا علاقہ مانہہ تازہ برفباری غی اطلاع ملی ہے۔ اواں محکمہ موسمیات نے دسیو ہے جے 20 دسمبر توڑی موسم مانہہ کسے خاص تبدیلی غو کوئی امکان نہیں ہے، تے 21 دسمبر نانہہ کشمیر غا کُجھ علاقہ تے صوبہ جموں غی کُجھ جگہیں ہلکی بارش یاہ برفباری غو امکان ہے۔

-----